

أوراقب دمعك تهمل من العين	أو تنظر هالعطاشى عيلة حسين
أو عندك ويه نهر العلقمي دين	أخذته من علي حيدر وصيه
كأن نهر الفرات بمايه ناداك	عطاشى حسين بو فاضل عطاشاك
أملها يا أبو الغيره في يميناك	أملها وانتة حماي الحميه

ولا مال	يا بيرق ما انهزم عمره ولا مال
ولا مال	أو بيك اتعلقت روعي ولا مال
ولا مال	أعرفك وانتة ليث الغاضريه

أو طفله تنظر اعلى الشاطي فرسان	تصب بترابه مايه
تعنت تنشذك عمي يعباس	تره إحنه ظمايه
وعدت الطفله تحضر ليها هالمادي	وتخفف هالشكايه
أو تدري بو الفضل بعهوده وفاي	أو تدري بجوده رايه

أو بيمينك تدير المعركه أو أمرها	أو تملي كربله من هالعدا و تذرها
يليث الغاضريه بقربتك أملها	للطفال الظمايه اللي نفذ صبرها
أو لكنة القدر يحمل إليها ذبحك	أو يحرمها كفيل العايله وذخرها
تروح أو يرجع الناعي إليها يصرخ	يقول اعلى النهر صاب العمد قمرها

أو ينعي بدمع سال	وقع عباس لا يمينه ولا شمال
وقع ساقى لطفال	وقع عباس لا يمينه ولا شمال

أبو الأكبر تظل تحرسها عينه
يسير او يحمي هالهورا الزكيه
دمع من تنظر بعينه تسيله
ولا ألقى بعيونج هالأسيه

مشت بخوتها من أرض المدينه
أو حملها أبو الفضل بيمينه
نظر في محجر الحورا العقيله
أو صاح أنه الحزن عنج أشيله

العقيله بغيرته وعزمه كفلها
أو بيده رايته وهوّه كفى لها
أو طاحت رايته وجفه سويه

كفلها
كفى لها
كفلها

وعلى وحدتها تدمع
على جف التقطع
إذا ظامي تروع
عسى صرختها يسمع

وبقت في كربله تنظر للثنين
على فقد الكفيل ابجي وعلى حسين
وحيده تحرس بوحدها لطفال
تنادي بوالفضل بالشاطي مذبوح

يقلها بالأرض متعفر ابثراها
أو غرفه امن النهر من جفته رماها
أو لكن حائطه عدوانه ابعداها
أو لكنه ابزنوده قربته حماها

تسائل هالنهر عن كافل حماها
ملك ماي النهر لكنه ماتروى
حمل جوده ورجع قاصد إلى المخيم
تره اجفوفه قطيعه ومن عيونه ادماه

وقع عباس لا يمنه ولا شمال
وقع عباس لا يمنه ولا شمال

بعدها العلم مال
وتعفر بلرمال

أو قلبه امن الظمى نار ايتلوى
بظماه اعلى النهر يوفي لخيّه
أو بعد حسين ما كنتي وتكوني
أو قلبه امن العطش جمره لظيه

ملك ماي النهر بس ما تروى
يصون ابها العطش عهد الأخوه
أو نادى يا نفس من بعده هوني
لأن أغلى السبط من نور عيني

أخوه البلحرب وفّه أو كفّى
نذر للسبط ضّي عينه أو كفّه
أو قدّم نذره برض الغاضريه

أو كفّى
أو كفّه
أو كفّى

عطش وبعينه جمره
أو عمري يفدي عمره
تشوف الماي حسره
أو لو نحري تفرّى

نظر ماي النهر ويقلبه نيران
أو نادى (أرتوي وحسين عطشان ؟)
أنا ما أرتوي وبالخيمه أطفال
أوصل قربتي لمخيم حسين

وانا ابعيني اوصل لليتيمه جودي
أوصل قربتي للعائله بزنودي
وجرى ماي النهر منها وهدم وعودي
أو قلها هالوعد وفيته من وريدي

يتيمه تنتظر وسط الخيم وعودي
إذا جفي انقطع من ضربة الأعادي
سهم في القربه صوب مهجة اليتامه
يماي اوصل إلي الخيمه اعتذر لزيب

وقع عباس لا يمنه ولا شمال
وقع عباس لا يمنه ولا شمال

وتعذّر للطفال
تصيح بدمع سال

بحياته خدرج الغالي ماينداس
وقع دامي على حر الوطيه
الهامه هالعمد والله قسمها
أو عيني بالسهم جمره دميّه

يزينب سامحي يالحورا عباس
كفيلج هالشديد القوة والباس
يزينب حكمة الباري قسمها
أو هذي جفوفي وقعت من جسمها

أروّي هالحرم قصدي أو يمناي
فديت الراس ويساري أو يمناي
أو كل هذا واحس تقصير بيّه

أو يمناي
أو يمناي
أو يمناي

وحجب عني المخيم
يعمه تأخر العم
نزف وتفجر الدم
أو قلبي له تألم

نزف راسي وغمر بدمومه عيناى
سمعت أنه اليتيمه تنادي زينب
نزل صلب العمود براسي يدميه
سمعت الصرخه من قلب الأخو حسين

يا دمعي واعتذر عني إلى سكينه
ألم مثل الجمر في المهجة الحزينه
أو قلها بو الفضل صاب السهم عيونّه
سلام امن الكفيل او نزفة جبينه

أوصّل دمعتي للخيمه الحزينه
لأنها تنتظر ماي النهر .. عطشها
يدمعي واعتذر من زينب الحزينه
سلام الله على دمع الحزينه زينب

وقع عباس لا يمنه ولا شمال
وقع عباس لا يمنه ولا شمال

أو سلم على الآل
أو دمي بدمع سال

يا ماي العلقمي يجري اعلی هونه
أو حس امن النهر حزنه وحنينه
سمع ماي النهر نادى يحمای
أظنك بس ترؤي بإيدك اظمای

أبو فاضل غرف غرفه بيمينه
أو موجاته تهل دمعته جريه
أنا ادري بك وفي وما تشرب الماي
لأنني أعرفك نفسك وفيه

ولا عين
ولا عين
ولا عين

ما غير أي نهر نفسك ولا عين
ما رفت للشرب جفك ولا عين
أو ما تشرب أبد قطرة اميه

عظفت اعلی النهر بيمينك شلون
أبو فاضل أو أطفالك يعرفون
وتقدم فدوه للأطفال جفين
يا ناصر فاطمه ويا ناصر حسين

ما تعطف عاليتمه
أبو غيره وشهامه
وتقدم ليها هامه
ويا ناصر للإمامه

أو ترعى هالخيم بيتامها وحرمها
لأجري الذبحتك هذا الدمه وهمله
أو كسرت طيحتك قلب الحسين أو ظهره
أو زينب من يوصل هالخبر علمها

أو لکن العمد من رجعتك حرمها
أو حزني اعليك ما تركه أبد وهمله
لفجعة طيحتك أجري الحزن واطهره
على حر الوطيه معتفر علمها

أو تبجي اعلی هالحال
دمع منها همال

وقع عباس لا يمنه ولا شمال
وقع عباس لا يمنه ولا شمال